



WILMA QUAN
Tus Tswj Xyuas Lub Nroog

LOS NTAWM LUB CHAW HAUJLWM RAU TUS TSWJ XYUAS LUB NROOG:

**LUS KHOO XWM TXHEEJ
CEEV 2020-04 COV NEEG UA
HAUJLWM RAU LUB NROOG**

Vim tias kuv yog Tus Thawj Coj Saib Xyuas Thaum Muaj Tej Yam Xwm Txheej Ceev raws li Cov Cai Kav Lub Nroog Fresno Tshooj 2-505, thiab raws li lub zog uas txoj cai muab rau kuv hauv Cov Cai Kav Lub Nroog Fresno Tshooj 2-506, kuv yuav tshaj tawm cov lus khoo raws li ntawm no, kom nws pib tamsid mus thiab kom ntev mus raws li Lub Nroog tseem muaj tej yam xwm txheej ceev vim tus kab mob COVID-19:

- 1) Cov neeg ua haujlwm rau lub nroog uas raug nyob tom tsev vim Cov Lus Khoo ntawm no lossis lawv cov thawj coj hais kom lawv nyob tsev yuav tsis txhob siv lawv cov sijhawm tawm haujlwm lossis tawm haujlwm tiamsis tsis tau nyiaj them.
- 2) Cov neeg ua haujlwm rau lub nroog uas xaiv mus nyob tom tsev, uas tau kev pom zoo los ntawm lawv tus thawj coj, vim tias yog rau lawv txoj kev noj qab haus huv, zov menyuam, lossis vim lawv yuav tau tu xyuas lwm tus tsev neeg, siv tau cov xauj moos tawm haujlwm rau qhov ntawd; yog tias lawv tsis muaj xauj moos tawm haujlwm lawm, ces tus neeg ua haujlwm "qiv" tau lawv cov xauj moos uas lawv yuav tau yav tom ntej los tawm haujlwm thaum muaj xwm txheej ceev no. Cov thawj coj ua haujlwm rau lub nroog yuav tau los npaj cov txheej txheem thiab cov kev tswj kom ua tau raws li peb tau hais.
- 3) Cov nom tswv thiab cov thawj coj rau lub tuam tsev haujlwm, lossis cov neeg ua haujlwm rau lawv, muaj txoj cai los hloov cov xauj moos ua haujlwm, nrog rau, tiamsis tsis tas rau, cov xauj moos ua haujlwm, thiab cov hnuv qhaj haujlwm rau cov neeg ua haujlwm lossis cov thawj neeg ua haujlwm los "ua haujlwm sab nraud" raws li lawv pom zoo los ua kom tau raws li Cov Lus Khoo ntawm no, Cov Cai Kav Lub Nroog Fresno, Lub Xeev Kaslisfausnias txoj cai, thiab txoj kev noj qab haus huv rau cov pej xeeb thiab raws li lawv pom zoo.
- 4) Cov haujlwm uas tsis tseem ceeb rau Lub Nroog yuav tau raug muab kho, nrog rau thiab kev tsim cov ntaub ntawv thov, cov ntawv tso cai, thiab cov ntawv pom zoo.
- 5) Cov Lus Khoo raug muab kho lossis raug muab ncua tseg thaum twg los tau, thiab yuav raug muab siv tsis tau los hloov tej yam uas koj tau txaus siab ua hauv daim ntawv cog lus nrog lwm tus neeg, tej yam cai txog lub chaw, lossis siv tsis tau los foob Lub Nroog.
- 6) Yog muaj ib co lus hauv Cov Lus Khoo no lossis cov lus no tsis haum rau tej tug neeg twg lossis tej yam nws ua ces cov lus ntawd yuav tsis raug rau nws, tiamsis yog tias muaj lwm cov lus uas nyob hauv Cov Lus Khoo no haum rau nws lossis tej yam nws ua, ces nws yuav tau ua raws li cov lus ntawd tagrho thiab ua tamsid mus. Nws nyob ntawm peb, peb

muaj txoj cai ncuatseg cov lus hauv Cov Lus Khoo no los tau.

- 7) Cov Lus Khoo no yuav tau muab los txhais ua lus Mev thiab Lus Hmoob tamsid, thiab yuav tau muab kho kom cov tib neeg uas muaj tej yam kev xiam oob qhab nyeem kom tau; peb yuav muab tshaj tawm rau tagrho cov kev tshaj saum istawsnev thiab muab tso rau saum Lub Nroog qhov vesxaij kom txhua tus neeg pom tau.

Lub Nroog Fresno

City Hall • 2600 Fresno Street • Fresno, California 93721-3600

(559) 621-7768 • Tus Xovtooj FAX (559) 621-7776 •


www.fresno.gov

Cov Lus Khoo Xwm Txheej
Ceev 2020-04 Cov Neeg Ua
Haujwlm Rau Lub Nroog
Lub Peb Hlis Ntuj Tim 18, 2020
Nplooj 3 ntawm 3

8) Yog tias leej twg txhaum cov lus khoo ntawm no yuav raug txim raws li Cov Cai Kav Lub Nroog Fresno tshooj 3- 286.

COV LUS KHOO NO YUAV PIB TAMSIM NO MUS.

Tus Thawj Coj Saib Xyuas Thaum Muaj Tej Yam Xwm Txheej Ceev



Wilma Quan
Tus Tswj Xyuas Lub Nroog

Lub Peb Hlis Ntuj Tim 18, 2020 11:59am

Lub Hnub Tim

Lub Sijhawm